

Inatsisartut suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut apeqqut:

1. Sooruna Naalackersuisut namminneq siunniussatik qimallugit matumani aalajangersaasut?
2. Naalackersuisut ilisimatitsissutigisinnaanerpaat suliffeqarfiit aalisartitseqatigiinnik allanik, namminneq nunami tunisassiorfiuteqartunik, illoqarfinni aamma 'suliffissaqartitsiniarnermi' pitsannorsaavigineqartariaqarsinnaasunik pisassiissutinut pineqartut ilaannut qinnuteqartoqaraluarsimanersoq?
3. Immikkut ittumik pissutissaqartoqarpa pisassiissutit pineqartut Namminersorlutik Oqartussat piginneqatigiiffiannut tunniunneqarmata?
4. Immikkut ittumik pissutissaqartoqarpa illoqarfiit pineqartut taakku marluk, qaleralinnik tisaanik tunisassiornermik tunuliaqanngitsunut agguaavigineqarnissai?
5. Illoqarfinni pineqartuni taakkunani atortorissaarutit pisariaqartinneqartut sulisoqarniarnermullu tunngassuteqartut naammattumik pigineqareerpat?
6. Qalerallit avataasiornermi aalisarnermi pisassiissutigineqartut tamarmiusut siunissami appariateqassangaluarpata maanna pisassiissutigineqartut qanoq pineqassappat?
 - a. Aalisarnerup iluani aalisartitseqatigiit allat pisassiissuteqartut aamma tamatumani eqqornerlunneqassappat, tamatumani appaariartitsineq 2.000 tonsinik annikinnerussappat?
7. Inuiaqatigiit aningaasaqarnerannut sunniutaasinnaasut pillugit naatsorsuisoqarnikuua, tamatumani tulaassisussaataitanermik pisussaaffiliinerup pisassiissutinik atorluanaanerpaasoqarneranik uppersarsineqarluni?
8. Akileraarutitigut akitsuutitigullu qanoq annertugisumik Namminersorlutik Oqartussat/Kommunillu pissarsissappat aalisagartassiissutit pineqartut toqqaannartumik avammut tuniniarneqartuuppatta, taamaaqataanillu pisassiissutit taakku tulaanneqarlutik tisaneqarunik qanoq pissarsissutaatigissappat?
9. Paasivara Royal Greenlandip kilisaatissaasa sanaartorneqartut nutaat arlaat, arlariinnik aalisarsinnaassuseqartutut sananeqartoq , tassa raajanut qaleralinniarnissamullu

naleqqussarlugu. Naalackersuisut suliffeqarfimmut Royal Greenland siumoortumik akuersissuteqarnikuuppat suliffeqarfiup aalisarsinnaassutsip (fiskerikapacitet-ip) malunnaatilimmik qaffassarsinnaagaat, naak tamakkuninnga nunatsinni aalisariutaatillit pisinnaasaat ullumikkut sippulimmik aalisarsinnaassuseqareeraluartut.

(Inatsisartunut Ilaasortaq, Henrik Fleischer, Siumut)

Tunngavilersuut:

Naalackersuisut imaqarniliaanni, Decembarip ulluisa arfernanninngaanneersumi, kitaani qalerallit pisassiissutit qaffariaataat pillugit ima allaqqavoq: ”...*kitaani qalerallit pisassiissutit 2.035 tonsiusut Royal Greenlandimut agguanneqassasut, piumasqaatitalerlugu Paamiuni Kangaatsiamilu (Qasigiannugit sillimmatitut inissillugu) tunitsiveqarniarnermi suliffissaqartitisiniarnermilu pitsanngorsaaviginiarlugit, tulaassassanngorlugit.*”

Naalackersuisooqatigiinnermut isumaqatigiisummi naalackersuisunullu tunuliaqtsersuisut suleqatigiinnissamut tunngavigisaanni siunnerfiuvoq, aalisarnerup iluani pisassiissutit siammarternerullugit amerlanerusunut aamma inuusuttunut periarfissiissutigineqarnissaat, taamaammat qulaani aalajangerup pissutissaqalersippaanga taamatut apeqquteqarnissannut.

Apeqquteqaatimma ullut suliffiusut qulit iluanni akineqareersimanissaat kissaatigaara.